

DEKLARACIJA O NULTOJ TOLERANCIJI NA KORUPCIJU U INSTITUCIJAMA ZA PROVOĐENJE ZAKONA

Direktor Državne agencije za istrage i zaštitu,

pozivajući se na međunarodne konvencije, instrumente i mehanizme, naročito na Konvenciju Ujedinjenih nacija protiv korupcije (UNCAC), relevantne konvencije Vijeća Evrope, GRECO mehanizam praćenja i Konvenciju OECD protiv podmićivanja i Strategiju za borbu protiv korupcije BiH 2015-2019,

priznajući da korupcija predstavlja ozbiljnu prijetnju razvoju i stabilnosti, da ima štetne posljedice na svim nivoima upravljanja i podriva povjerenje javnosti u institucije za provođenje zakona,

ponovo naglašavajući potrebu da se prati sveobuhvatan pristup u borbi protiv korupcije na osnovu cjelokupnog okvira prevencije i efikasne saradnje između institucija za provođenje zakona,

imajući u vidu potrebu za jačanjem kapaciteta institucija za provođenje zakona u istragama korupcije bilo koje vrste,

promovirajući, omogućavajući i podržavajući državnu i međunarodnu saradnju i pomoć,

uzimajući u obzir potrebu da se učvrsti kultura etike i transparentnost, naročito putem edukacije, te da se osigura policijski integritet i ojača objektivan, demokratski i djelotvoran nadzor nad policijskim službama kako bi se učvrstilo povjerenje javnosti u institucije,

- poziva na zatvorsko i novčano kažnjavanje krivičnih djela korupcije i kažnjavanje putem djelotvornog sistema za oduzimanje nezakonito stečene imovine;
- poziva građane BiH da pruže podršku institucijama za provođenje zakona u njihovim naporima u prevenciji i borbi protiv korupcije.

Državna agencija za istrage i zaštitu izražava nultu toleranciju na korupciju i snažno osuđuje korupciju na svim nivoima, saglasna je sa principima, ciljevima i vrijednostima Strategije za borbu protiv korupcije BiH i izražava povjerenje u plodonosne napore u borbi protiv korupcije.